

## "MUSTAQILLIK YILLARIDA JIZZAX SHAXRINING IJTIMOY IQDSODIY VA MADANIY TARQQIYOTI"

**Jiyanboyev Asror Ilxim o'g'li**

*JDPU Magistrant 2-kurs Tarix yo'nlash*

**Annotatsiya:** *Mazkur maqolada tadqiqotchi tomonidan mustaqillikning dastlabki yillarida Jizzax viloyatidagi ijtimoiy-iqtisodiy vaziyat, bozor iqtisodiyotiga o'tish davrida yuzaga kelgan muammolar ilmiy adabiyotlar, arxiv va statistik ma'lumotlar asosida tahlil qilingan.*

**Kalit so'zlar:** *mustaqillik, Jizzax, iqtisod, ijtimoiy hayot, ishlab chiqarish.*

O'zbekiston Respublika davlat mustaqilligini qo'lga kiritgach, adolatli ijtimoiy tuzum, jahon hamjamiyatida munosib o'z o'rniga ega, jahon madaniyatiga salmoqli hissa qo'shadigantinchliksevar, iqtisodiy va mana'viy jihatdan yuksak demokratik davlat barpo etishni o'zining strategik vazifasi, deb belgiladi. Bu borada davlat nafaqat iqtisodiyot, ijtimoiy va ma'naviy-madaniy sohalarda islohotlarga bosh bo'ldi. Shuningdek, u o'zini o'zi va jamiyatni ham isloh qilishning bosh tashabbuskori bo'ldi. Bu islohotlar talablariga mos davlat va jamiyat institutlarining yangilarini shakllantirishda, ularga oyoqqa turib olishda yordam bo'lishda yaqqol namoyon bo'ldi.

Mustaqillik tufayli mamlakatimizda iqtisodiyotni, ishlab chiqarish munosabatlarini ma'muriy-buyruqbozlik va rejali iqtisodiyotdan erkin, bozor iqtisodiyotiga o'tkazish imkoniyati vujudga keldi. Respublikamizda ijtimoiy yo'naltirilgan bozor iqtisodiyotini shakllantirish maqsadida iqtisodiyotni isloh qilish jaroyoni boshlandi. Mazkur islohotlarga O'zbekiston Respublikasi qonunlari, Prezident Farmonlari va qarorlari huquqiy asos bo'lib xizmat qildi. Mustaqillikning dastlabki yillarida Respublikamizda, shu jumladan Jizzax viloyatida ham qator ijtimoiy-iqtisodiy muammolar to'planib qolgan bo'lib, bu esa islohotlarni amalga oshirish jarayoni murakkablashtirdi.

Mustaqillikning dastlabki 1991-1992-yillarida Jizzax viloyatidagi ijtimoiy-iqtisodiy vaziyatga baho berish uchun arxiv ma'lumotlarini o'rganar ekanmiz, islohotlarni amalga oshirish jarayoni ancha murakkab kechganligiga guvoh bo'lamiz. "Xalq deputatlari viloyat Kengashi, qurilish, qurilish ashyolari sanoati, yo'l qurilishi, uy-joy, kommunal xo'jalik va obodonlashtirish masalalari bo'yicha doimiy komissiya" xisobotida doimiy komissiya a'zolari tomonidan amalga oshirgan ishlar bilan bir qatorda, yo'l qo'yilgan bir qator kamchiliklar sanab o'tiladi. Jumladan, xisobotda viloyat boshqaruvining avval Kengashlarga, keyin hokimlarga berilishi komissiya ishini sustlashtirib yuborgani, oqibatda komissiya a'zolari yig'ilishlarda to'liq qatnashmaganligi, qatnashganlari ham aniq taklif va mulohazalar bilan kam ishtirok etganligi, qabul qilingan qarorlarning bajarilishini o'z vaqtida to'liq nazorat qila olmaganligi ta'kidlanadi[2, 76-b]. Mavjud muammolarga qaramasdan, 1991-yilda viloyatda 356,7 mln. so'mlik kapital mablag' o'zlashtirilib, 203,5

mln. soʻmlik qurilish-montaj ishlari bajarilgan boʻlib, bu rejaga nisbatan 89 va 84 %ni tashkil etgan. Shu davr mobaynida 255 ming kv metr uy-joy foydalanishga topshirilgan boʻlsa, shundan 146 ming kv.m shaxsiy uy-joylar tashkil etdi. Shuningdek, 5900 oʻquvchiga moʻljallangan maktablar, 1335 oʻrinli bolalar bogʻchasi, 157 oʻrinli shifoxonalar, soatiga 5 kishi qabul qiladigan poliklinika, 287 km elektr tarmoqlari qurib foydalanishga topshirilgan[5, 363-b]. Bundan tashqari sutkasiga 300 tonna un ishlab chiqaradigan Doʻstlik shahridagi kombinat, Uchquloch rudani maydalab-saralash moslamasi, Oʻsmat gʻisht zavodi, Jizzax xoʻjaligi bugʻ qozoni, 4 ta issiqxona, Gʻallaorol konserva zavodi, bolalar va oʻsmirlar sport maktabi, Jizzax shahridagi oziq-ovqat omborxonasi, 1 ming tonna maxsulot saqlanadigan Jizzax tumanidagi omborxona va boshqa bir qancha obʻektlar foydalanishga topshirilgan. 1992 yilning I yarim yili mobaynida viloyat boʻyicha 376,9 mln soʻm kapital mablagʻlar oʻzlashtirildi, qurilish-montaj ishlari 190,1 million soʻmga bajarilib, 132,9 million soʻmlik asosiy fondlar ishga tushirilgan[2, 78-b].

Oʻzbekiston mustaqillikka erishgach, sobiq Ittifoqdagi iqtisodiy aloqalarning uzilishi hamda bozor iqtisodiyotiga oʻtish davrida narx-navolarning keskin koʻtarilishi Jizzax viloyatida eng muhim qurilishlardan biri boʻlgan uy-joy masalasiga oʻzining salbiy taʼsirini koʻrsatdi. Faqatgina 1992 yilning I yarmida 61,4 ming kv. metr uy-joy qurilishi rejalashtirilgan boʻlib, rejaga nisbatan 38ming kv.metr ga kam bajarildi. Bundan tashqari 1992 yilda rejaga nisbatan 60 oʻrinli bolalar bogʻchasi kam qurilgan. Viloyat boʻyicha atigi 6300 oʻrinli maktab, 1270 oʻrinli bolalar bogʻchasi, 200 oʻringa moʻljallangan shifoxona qurilishi rejalashtirilgan[2, 79-b]. 1991-yil maʼlumotiga koʻra Jizzax viloyati aholisi soni 792,2 ming kishini, 1992 yilda 818,9 ming kishiga yetganligi hamda 1 km kv ga oʻrtacha 40 kishi toʻgʻri kelganligini xisobga olsak, bu mavjud talabga nisbatan juda xam oz miqdorni tashkil etganligi maʼlum boʻladi[1].

Respublika mustaqillikka erishganidan keyin ijtimoiy-iqtisodiy aloqalar uzilishlar boshlanib, sanoat korxonalarida ish surʼatlari sentyabr oyidayoq orqaga keta boshladi. 1992-yilning boshlarida bozorda qimmatlashib borayotgan narx-navoni hisobga olib hukumat oʻquvchilar, talabalar, yolgʻiz keksalar va mehnatkashlarning umumiy ovqatlanishini tashkil etish haqida qaror qabul qildi. Bunga qoʻshimcha, chakana narxlarning miqdori, shu jumladan, nonning cheklangan narxini oshirmaslik joriy etildi. Natijada oradan ikki-uch oy oʻtib, asosan apreldan chakana narxlar biroz arzonlashdi[4, 23-b]. 1992-yilning boshlarida viloyatda 40 mln dona gʻisht ishlab chiqarilgan boʻlib, bu joriy talabga nisbatan 4-5 barobar kam edi. Davlat tomonidan qurilishga yetarli mablagʻ ajratilishi qiyin kechayotgan vaziyatda qurilishi rejalashtirilgan maktablar, bogʻchalar va shifoxonalarni korxonalar va tashkilotlar, xoʻjaliklar xisobidan qurish hamda mahalliy qurilish materiallari ishlab chiqarishni yanada rivojlantirish haqidagi takliflar ham ilgari surilgan edi[2, 80-b].

Respublika Prezidentining 1990 yil 28 iyul “Oʻzbekiston SSR qishloq aholisini ichimlik suv va tabiiy gaz bilan taʼminlanishini yaxshilash toʻgʻrisida”gi farmoni qabul qilingan

bo`lib, mazkur farmon asosida viloyatda 3 yillik dastur ishlab chiqilgan edi. Dasturga asosan 1992-yilga qadar 288 km suv, 427 km gaz tarmoqlari qurilib foydalanishga topshirilgan bo`lib, ja`mi 7300 xonadon gazlashtirilgan. Bunda ayniqsa Jizzax cho`l qurilish tresti, agrosanoat qurilish birlashmasi, Suvoqova boshqarmasi, Mirzacho`l, G`allaorol, Zarbdor tumanlari o`zaro maxsulot ayirboshlash evaziga ko`plab texnika, quvurlar, uskunalar keltirib, ko`pgina ijobiy ishlarni amalga oshirgan. Ammo boshqa tumanlarda esa bu ishlarda sustkashlikka yo`l qo`yilgan. Bundan tashqari, 1992-yilda kapital mablag`larning tanqisligi, narx-navoning keskin ko`tarilib ketishi, qo`shni respublikalar bilan tuzilgan shartnomalarning amalga oshmay qolganligi tufayli xam rejalashtirilgan 300 km gaz tarmoqlari 5 barobar, 200 km suv tarmoqlari 4 barobar kamaytirilgan. Natijada 6 oy mobaynida viloyat bo`yicha faqatgina 31 km ichimlik suvi, 36 km gaz tarmoqlari qurildi.

1992-yilga kelib viloyat aholisining ko`pchilik qismi, aniqrog`i 573 ming kishi yoki 71 foizi qishloqlarda istiqomat qilardi [3, 12-b]. Bunday sharoitida qishloq aholisini toza va sifatli ichimlik suvi bilan ta`minlashda qator muammolar ham mavjud edi. Jumladan, Baxmal tumanida Yangi Udamali-O`smat suv uzatish quvuri qurilishiga Vazirlar Mahkamasi tomonidan ruxsat berilgan bo`lsada, qurilish ishlari mablag` yo`qligidan 1992-yilgi rejaga kiritilmagan. Bundan tashqari, Paxtakor, Do`stlik, Mirzacho`l, Oktyabr (Zafarobod) va Arnasoy tumanlarini ichimlik suvi bilan ta`minlovchi "Sanzar-Selskiy" suv inshooti 1960-yillarda qurilgan bo`lib, yaroqsiz holga kelib qolgan edi.

Shunday qiyin vaziyatda Forish, Mirzacho`l, G`allaorol tumanlari xo`jaliklari viloyat "Don mahsulotlari" boshqarmasi rahbarlari tadbirkorlik bilan ish yuritib, aholini ichimlik suvi va tabiiy gaz bilan ta`minlashda bir muncha ijobiy yutuqlarni qo`lga kiritganlar. Shuningdek, Paxtakor shahrida bolalar madaniyat va istirohat bog`i foydalanishga topshirilgan bo`lsa, mazkur tumanda 1992-yilning I yarmida 376,4 ming so`mlik obodonlashtirish ishlari amalga oshirilgan. Viloyatda o`z davrida yagona bo`lgan umumiy xavzasi 800 m<sup>3</sup> bo`lgan yopiq suzish xavzasi qurilishi bilan birga Jizzax tumani bo`yicha 2,0 mln so`mlik yo`llarni ta`mirlash ishlari bajarildi. Bundan tashqari, G`allaorol shahrini obodonlashtirish va ko`chalarni ta`mirlash uchun 166,0 ming so`m, shaharni ko`kalamzorlashtirish ishlari uchun esa 22,0 ming so`m mablag`lar sarflangan. Shuningdek, tumanda 1991-yili 12 km yangi yo`l qurilib foydalanishga topshirilib, 355 ming so`mlik qurilish ishlari amalga oshirilgan [2,89-b].

Xulosa qilib aytganda mamlakatimiz mustaqillikning dastlabki yillaridayoq bozor iqtisodiyotiga o`tish jarayonida yuzaga kelgan ijtimoiy-iqtisodiy muammolarni bartaraf etish bilan bog`liq murakkab jarayonlarni boshdan kechirdi.

Kapital mablag`larning tanqisligi, narx-navoning keskin ko`tarilib ketishi, qo`shni respublikalar bilan tuzilgan shartnomalarning amalga oshmay qolishi tufayli xam rejalashtirilgan ijtimoiy obyektlar qurilishi jarayonini qiyinlashtirdi. Bunday sharoitda hukumat tomonidan aholini ijtimoiy himoyalash bilan bo`g`liq zarur choralarni ko`rib borilishi bozor iqtisodiyotiga o`tish jarayonini yengillashtirdi.

**FOYDALANILGAN ADABIYOTLAR:**

2. Jizzax viloyati statistika boshqarmasi materiallari.
3. Jizzax viloyati davlat arxivi 13 fond, 1 ro`yhat, 5 jild. 75-93-betlar.
4. Olimov O`, Haydarov H. Jizzax viloyati. Jizzax. 1992.
5. Nosirov O`. Istiqlolim - istiqbolim. Toshkent. 2007.
6. Begimkulov J. Important changes in the social and economic life of Uzbekistan during the years of independence (on the example of jizzakh region). EPRA International Journal of Research & Development (IJRD). SJIR Impact factor: 7.001 September, 2020.